

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0059389 24
Zenica, 23.12.2025. godine**

**OPĆINSKI SUD U ZAVIDOVIĆIMA
sudija za prethodno saslušanje
ZAVIDOVIĆI**

Na osnovu člana 45. stav 1. i 2. tačka h), člana 241. stav 1., člana 242. i člana 350. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. **D. S.-1**, ..., *neosuđivan*,
2. **D. S.-2**, ..., *neosuđivan*,

Što su, zajedno,

Dana 21.12.2023. godine oko 13:30 sati, u mjestu ..., Grad Zavidovići, nakon što je D. D. došao u dvorište porodične kuće D. S.-1 i D. S.-2, noseći sa sobom drveni štap, potom iste optužio da krađu drva iz šume na koju on polaže pravo korištenja, uslijed čega je došlo najprije do kraće verbalne rasprave a potom i do fizičkog obračuna između njih, na način da je D. D. zadao više udaraca D. S.-2 u predjelu leđa i glave a D. S.-1 udarac u predjelu šake, na koji način ih je takvim napadom obojicu doveo u stanje jake razdraženosti, odnosno stanje intenzivnog i kratkotrajnog osjećaja jakog straha i bijesa, te posljedično i u stanje bitno smanjenje uračunljivosti, pa nakon što se oštećeni D. D. počeo udaljavati, D. S.-2 uzeo dječju igračku, PVC prikolicu u kojoj se nalazio pijesak i istu bacio prema D. D. te ga pogodio u predjelu grudnog koša i glave, nanijevši mu na taj način povrede lica u vidu ogrebotine kože lica, jagodično i u dijelu donje vilice desno te ogrebotine kože glave – čeonu desno, a odmah potom D. S.-2 i D. S.-1 uzeli pečene cigle sa zemlje i iste bacili prema D. D., svjesni da mu na taj način mogu nanijeti teške tjelesne povrede što su i htjeli, od kojih cigli ga je jedna pogodila u predjelu podlaktice desne ruke kojom je D. zaštitio svoju glavu, nanijevši mu na taj način povredu u vidu preloma desne lakatne kosti, koje sve povrede u svom sveukupnom djelovanju čine tešku tjelesnu povredu,

Dakle, drugoga teško tjelesno ozlijedili namah, dovedeni bez svoje krivnje u jaku razdraženost napadom,

Čime bi počinili krivično djelo Teška tjelesna povreda iz člana 172. stav 7. u vezi sa stavom 1., u vezi sa članom 31. Krivičnog zakona Federacije Bosne i Hercegovine (KZ FBiH).